



NUNATSIAVUT
Senani jârini kajusimanik pivallianimmut
10 Years of Continued Progress

ADMINISTRATIVE HEAD OFFICE

25 Ikajuktauvik Road, PO Box 70
Nain, NL, Canada AOP 1L0
Tel: 709.922.2942
Fax: 709.922.2931

nain_reception@nunatsiavut.com

KAUJIGATSAK

Joni 7, 2016

Tagvainak SakKititaugialik

AngajukKâk sakKititsivuk sivullipautijaugialinnik sivullipâmik uKautjuidluni Nunatsiavut katimajitsuanginnik

Nunatsiavut AngajukKânga Johannes Lampe UKajuk âkKisuigiamut nutânik tilitsigutinin Nunatsiavut kavamangani, atautsik piulitsigumanimmut, paigillugillu Labradorimi Inuit ilikKusingit, ilitagijaugutingit uKausingillu.

Sivullipâmik uKautjuigami Nunatsiavut katimajitsuanginnik taimanganit saimmatitaulaugaminit AngajukKângugiamut Mai 4-mi, Lampe uKausiKakKaujuk unuttunik sivullipautijaugialinnik ammalu kamagiluagumajangit suliaKannimimi, piluattumik illuliginik, inositsiagittotitsigasuanimut isumanik ammalu sungiutilukattauKattajunik, ammalu utittigasualugu Labradorimi Inuktitut. Ukua ilangit uKausigikKaujangit AngajukKâp uKausinginni:

Illuliginik

Nunaligijavut, piluattumik Nain ammalu Hopedale, kamagasuasimalittut illusanik uKumailutauKattajunik akuninut jârinut.

PivalliasimagalualikKugut kamagasuadluta tamakkuninga pitjatauunik sakKitigiangit prâvinsiup ammalu silatsualimâmi kamajitigut.

*Uvani jârimi federal kenaujanik sakKititsisimajut \$15 miliun dâlatut ilingajunik maggonut jârennut atuttaugatsanik illusanut Nunatsiavummi. KaujilaukKugut takKiulauttumi Canadami Illuligijet kuaparesanga âkKisuisimaninga tugâgutitsanik kenaujanut ammalu sakKijutsanik malittaugialinnilu suliat sani. Ilingattisigumasimajut kenaujanik Newfoundland Labradorimullu Illuligijinginnut kuaparesanut aulataujsautillugit. Tamanna Kanuttogutigimmagittavut, ammalugiallak, kavamanga Canadaup **Kaujitsigunnasimangimat** uvattinik pijaugialittitut atâni Labradorimi Inuit Nunamik Satusaijet AngiKatigegutingani.*

Ilanga 2.6.2 of LILCA uKajuk: "Sivungagut aittuiKâgatik Prâvinsimut pisimajunik federal ilingajunik Inunnut, Canada KaujimattisigiaKavuk Nunatsiavut kavamanganik," Kaujimattisinik uKautaujuk uKausinga AngiKatigegutittini.



NUNATSIAVUT
kavamanga Government
www.nunatsiavut.com

Nunatsiavut kavamanga piunitsaujuk aulatasigiamik tamakkuninga kenaujanik. Kaujimavugut pitjutaunuk, tukisiadluta pigumajaujunik Kaujimaadluta Kanuk inuKattigimmangâta illutâgunnangiumaKattajunik.

Inositsiagittotitsigasuanmimut Isumakut/SungiutilukattaKattajut/ImminiaKattajut

Ilonnata takusimalikKugut uKumaittunik attutaugutinik inositsiagittotitsigasuanmimut isumakut ammalu sungiutilukattaKattajunik uKumailutaKattajut ilagijattini nunattinilu.

Nunatsiavut kavamanga, ukutigonak DHSD (SuliaKapvinga Inositsiagittotitsigasuanmimut Inuillu PivalliaKullugit), suliaKaluvinisimalittut imminiattitailititsigasuanmimut ammalu uppivunga pigiallasongunittinik. SuliaKaKatigigialivut Inuit Tapiriit Kanatami (ITK) ammalu asingit inuit avittusimajuni. SuliaKaKatigigialivut kavamanga Canadaup, (kavamanga Newfoundland Labradoriullu, Inuit Nunalet kavamangit ammalu ilonnatik adjigengitut katutjiKatiget katutjiKatigellu Nunatsiavummi. Ilonnata ikajuttigeniagutta, pivalligajakKugut uKilliumitillugit uKumaittut attuinuKattajut imminiannimik ilonnatinik. Unuluadlatut inoset asiusimalikKut ammalu attutauniujut ilagijattinut, ilannâtinut ammalu nunagijattinut tataminnamagikKut.

Isumakutit inositsiagittotitsigasuanmimik Kaujimajaugialet piusiumigutellu attutaugajattut asiangutitsigiamut piusiuKattajunik pitjutigillugit inositsiagittotitsigasuanmimut isumakut. Tamanna ilingavuk isumakut inositsiagittotitsigasuanmimut pigiasittisigajammat inuit Kininitsanginnut ikajuttaugiamik ImmaKâ sunamik nagvâgiaKavugut asiangutitsiutitsamik inuit ikajuttaugumajuit ikajuttausonguKattaniammata.

UKauset

AngajukKângullunga piggagasuaniaKunga uKausivut asiuttailiKutuinnalunnagiu, tâvatuak pigukKulugu. Piusiusimalittut ununnisani Kângisimalittuni 200 jârini ubvalu kangugijautillugu unuttunut inunnut uKâlagumagunnaidlutik uKausittinik, ilingasimammat ajutsanimmut ammalu kenaujaliutsiaKattangitunut. Nottitausimajut Hebronimit Nutâmit, ottotigillugit, ilonnatik tamâginnik uKâlasongulauttut. Asinginnik nunattâgamik, ikpiniasimajut iniKanginimminik, taimângungituk pijauKattadlutik, adjigengitumik pijaudlutik ammalu pivallianialidlutik Kallunâtitut uKâlagiamik Inuktitut uKâlagunnaidlutik. Unuttut ilausimajut aullatitadlutik ilinniavinut suanganâttauKattasimajut ammalu, ilangagut, ânnititauKattadlutik uKausimminik uKâlammata Inuktitut.

Asiangutitsigunngilagut taitsumanitanik, tâvatuak piusiumitisovut sivunitsavut.

Ikajutsigialivut atâatsiasuakkuvut inosuttuvullu, pivitsaKannitini, Kanuk piulimatsigiamik piusiumitillugillu uKausivut. Unuttunut jârinut kamagijaugasuaniattuk uKumaittuk suliat sak ilonnainut Labradorimi Inunnut, uppivungalu tamanna pijausonguninga.

Tusagatsanik Kaujimattisiji:

Bert Pomeroy

Aulatsiji Kaujimattisigiamut

(709) 896-8582

bert.pomeroy@nunatsiavut.com